



Broj: 06-06-2-1610-2/19
Sarajevo, 11.12.2019.

Predmet: Javni poziv za upis kandidata u novi ciklus „FIATA škole špedicije“ – školska 2020. godina

Poštovani/a,

Vanjskotrgovinska komora Bosne i Hercegovine objavljuje javni poziv za upis kandidata u novi ciklus „**FIATA škole špedicije**“ za školsku 2020. godinu. Proces edukacije „FIATA škole špedicije“ se realizira kroz četrnaest (14) modula nastavnog plana i programa koji je izrađen u skladu sa standardima FIATA-e, a koji uključuje sljedeće module:

- Uvod u špediterstvo
- Pomorski transport
- Kontejnerizacija i kontejnerski transport
- Zračni transport
- Cestovni transport
- Željeznički transport
- Intermodalni i multimodalni transport
- Nacionalni/međunarodni prijevoz tereta unutarnjim plovnim putevima
- Carinske procedure i INCOTERMS 2010
- Logistika
- Skladištenje i distribucija
- Transportno osiguranje
- Transport opasne robe
- Informacijske i komunikacijske tehnologije (ICT) u špediterstvu

Nakon što kandidati odslušaju nastavu organizira se polaganje kvalifikacijskih ispita (14) i finalnog ispita (1). Svi kandidati koji ispune obaveze u pogledu zadovoljenja kriterija ispita, ostvaruju pravo na izdavanje prestižne FIATA diplome.

Šta je FIATA?

FIATA je Međunarodni savez špediterskih udruženja kojeg su 31.05.1926. godine u Beču (Austrija) osnovali međunarodni špediteri. Sjedište FIATA-e je u Švicarskoj, a ona danas obuhvata približno 40.000 špediterskih i logističkih preduzeća, te zapošljava oko 10 miliona špeditersko-logističkih stručnjaka u 150 država. Više informacija možete pronaći na internet stranici www.fiata.com

Šta je „FIATA škola špedicije“?

„FIATA škola špedicije“ je program edukacije namijenjen uposlenicima kompanija iz oblasti špedicije, logistike, vanjske trgovine, transporta, izvoznicima, uvoznicima i osobama koje žele da se profiliraju u navedenim oblastima.



VTK BiH uspješno organizira „FIATA školu špedicije“ na osnovu postojeće akreditacije VTK BiH kod Međunarodnog saveza špediterskih udruženja (FIATA), za koju naša institucija prolazi složeni proces re-validacije svakih 5 godina. S tim u vezi, imamo obavezu da inoviramo nastavne planove i programe, kako bi polaznici škole bili upoznati sa najaktuelnijim temama i oblastima iz modula koji čine „FIATA školu špedicije“.

VTK BiH za potrebe škole priprema vlastitu literaturu i prezentacije, kako bi se i u tom pogledu ispoštovali svi zahtjevi i standardi koje pred nas postavlja Međunarodni savez špediterskih udruženja. S ciljem što kvalitetnije realizacije nastave, angažujemo predavače koji su eksperti u ovoj oblasti i koji su kroz naučni rad i praktično poznavanje tematike dali značajan doprinos razumijevanju materije koja čini jezgru nastavnog plana i programa škole.

U proteklih 15 godina, koliko dugo radimo na realizaciji „FIATA škole špedicije“ i promoviranju značaja stručnog osposobljavanja u oblasti špedicije, logistike, vanjske trgovine, transporta, izvoza, uvoza i generalno kretanja robe, ponosni smo na broj od preko 500 polaznika škole. Ti polaznici su danas ponosni vlasnici prestižne FIATA diplome iz Švicarske, koja predstavlja međunarodno priznati i prepoznati standard za dokazivanje stručnih kompetencija u navedenim oblastima.

Kako bi išli u korak sa ekonomskim rastom i razvojem, te uvođenjem naprednih tehničkih procedura kao što su e-trgovina, e-Freight i e-logistika, od apsolutne je važnosti da se industrija i kompanije mogu osloniti na kvalifikovane i obučene eksperte. Koncept cjeloživotnog učenja, koji je definisan kao "sistemska održavanje i unapređenje znanja, vještina i kompetencija kroz cijeli radni vijek", predstavlja preduslov za uspjeh industrije.

Kako se prijaviti?

Prijava učešća u „FIATA školu špedicije“ se vrši popunjavanjem online prijavnog obrasca. Nakon izvršene prijave javit će Vam se voditelj projekta sa potvrdom prijema prijave i daljim uputstvima.

Za učešće u „FIATA školi špedicije“ se plaća kotizacija u iznosu od 1.500,00 KM (cijena s PDV-om), uz mogućnost plaćanja na 3 rate po 500,00 KM, pri čemu je prvu ratu potrebno uplatiti prije početka nastave. Krajnji rok za dostavljanje prijave je petak, 17.01.2020. godine do 16:00 sati.

U cijenu kotizacije je uključeno:

- Edukacija u skladu sa nastavnim planom i programom (14 modula/dana)
- Priručnik „FIATA škola špedicije“
- Elektronske prezentacije (14 modula)
- Pribor i radni materijali
- Osvježenje na pauzama
- FIATA diploma iz Švicarske (dodjeljuje se nakon položenog finalnog ispita)

Kada počinje nastava i kako izgleda dinamika realizacije nastave?

Predviđeni početak nastave za školsku 2020. godinu je 30.01.2020. godine. Nastava će se održavati u prostorijama Vanjskotrgovinske komore BiH, ulica Branislava Đurđeva 10, Sarajevo. Pored prostorija VTK BiH, ovisno o modulima koji se realiziraju, polaznici imaju mogućnost posjete lokacija koje su direktno vezane za module koji se obrađuju, kao npr. aerodromi, riječne i morske luke, željeznice, Pomorski fakultet, itd.

Dinamikom realizacije „FIATA škole špedicije“ predviđena je organizacija ukupno 14 modula kroz vremenski period od cca. 7 mjeseci, pri čemu realizacija jednog modula traje jedan radni dan. S tim u vezi, ukupno trajanje škole je 14 dana, pri čemu se držimo dinamike koja predviđa realizaciju 2 modula mjesečno (2 modula/dana mjesečno x 7 mjeseci = 14 modula/dana). Predviđeni završetak škole je planiran u julu 2020. godine, a detaljna dinamika realizacije nastave će biti dogovorena sa polaznicima škole.

Kontakt za više informacija

Vaša kontakt osoba za sve informacije u vezi sa školom je gospodin

Mirza Konjo, voditelj projekta „FIATA škole špedicije“ u Sektoru za edukaciju VTK BiH.

Telefon: +387 33 566 204

E-mail: mirza.konjo@komorabih.ba

U nadi da ćete prepoznati značaj ove edukacije i da ćete i Vi postati dio velike FIATA porodice, srdačno Vas pozdravljam i ostajem

S poštovanjem,



Elma Kovačević-Bajtal
dr. sc. Elma Kovačević-Bajtal

Vanjskotrgovinska komora BiH

Sektor za edukaciju

Direktorica